

ادبیات کمونیستیکو سوسیالیستی

هفته لقی سیاسی، علمی و ادبی غزته در

جلد : ۲

سنه : ۲ ۷ ربیع الاول ۱۳۳۶ ۲۲ کانون اول ۱۹۱۷ نومرو ۱۶ — ۴۷

احمال افکار

طیبه عثمانیه و اوروپا

ممالک عثمانیه دن، دائماً، طونیلاتولرله اوروپایه خام مواد، یوک، ایپک، دری، آفیون کیدیور. بونلر، اوراده، غرب عقل وسعینک التحاق وانضمامیله ایشلمش برمتاع، طریف برقوستوم، نارین، وشفاف برچارشاف، کوزل و صاغلام برقوندره، برشیشه دوای شافی شککنده اصلنه رجوع ایدیور.

عجبا، بونک کبی، بورادن غربه ایشلمه مش سرمایه آدمی کوندروب، ایشلمش امتعه انسانیه جلب ایتک قابلیدر؟ بوجهتک، شیحدیلک، تدقیق فضولیاتدنر. شوقدر وارکه تا سلطان محمود عدلی عهدندن بری، مملکت مزده صنف مجدد و ممتاز بوفکره قناعتکار اولدیغندن، بعضاً آرزو کثرتله چوق ممالک غربیه و بالخاصه فرانسه یه طلبه کوندرمشدر.

آره دن تقریباً بر عصر کچدی. شوخاربه عمومیه رأس تاریخسنده کوچک بریلانچو تنظیم ایتک اقتضا ایدر. کندی کندمزه صوراریز: اولاً - کیدنلر تغرب ایدرک ابنای غربک خصائل آلیه سنه تمثیل ایتدیلر می؟ ثانیاً - بونلر دن وطن و ملت مستفید اولدی می؟ ثالثاً - شهراه تکاملده توقف ویاتدن ایدن بر هیئت، جبرمافاة ایتک، ایلرلک ایچون بویله می حرکت ایتلی ایدی؟

ظنمز سراپای خطا و ذهول دکلسه، شواسله^۱ ثلثه بزم ایچون برنجی درجه ده حائز اهمیت مواد غامضه و معضله در. اوروپانک بر جاذبه سی وار: حیات مادیه و معنویه اوراده ده طاطلی. اذواق و اشواق ده زیاده اودیارده ده فضله ودها ای یاشانیور. اوروپایه پرکیدن دکل، اورانک جریان حیاتی طویان و بنا رسملرنی کورهن بیله کشور افرنجک مسحور آهنکی اولیور. بناء علیه، بر جوجق، اوروپایه کیتک احتمالی ذهنته برلشدر برلشدر، کلین اوله جفنی قوران بر قیزکی، معناً بر بجران و مستی^۲ لطیفه اوغرییور. لکن، اطفال حائز پایه رشد اولدقلرندن کیندی لرینک بوبابده بررأی و مطالعه سی اوله ماز.

اولیای اولاده کلهجه : بونلرک جهلهسی مسائل عالیة روحیه و اجتماعیة بی تأمل ایده جک قدر ارباب عرفاندن اولمديغندن آنلرکده رأی کران دکدر . بونلرک بر قسم مهمی ده ظواهره محبوب ، هر تجده مفتون ، سودازده تحول Snob لردر . بونلرده ، اوغلاری کبی ، رشد و کماله بیوک بر رتبه بی حائر دکدرلر . اولیای اطفالدن بر خلیسی ، اوروپایه چوجق کوندرلهسی بر تحیز و تمیز علامتی ده عدا یتکده درلر .

بناء علیه تدقیقاتک سالم بر مجرایه ارجاعی ایچون چوجقلرکده ، ولیرنکده مطالعاتدن تجرد یتکلمن اقتضا ایدر . بیطرفلق برنی موجبدر . شو حقائق مرتبه بداهته وارمشدر :

شواذ بر طرف ایدلک شرملیه ، اولاً - کیدنلر تغرب ایدرک ابنای غربک خصائل آلیه سنه تمثیل ایدمه مشلردر . بر قاچ طبیب ، بعضی ارباب فن استشنا ایدلک اوزره - عسکرلر و کمیجیلرده مستشنا - کیدنلر بوش فیچیلر کبی کیتمشلر و اویلهجه کلشلردر . هله فضولاً مسالک حره دینلن شعباته انتساب ایچون صید معلوماته شتابان اولانلر بر بحران روحیه اوغرایه رق دوغمشلردر . شرق و غرب بونلرک مفکره سنده سرمستانه رقص ایدیور . حال حاضره بر بغض و نفرت ، رنک و آهنگ محلیدن ناحق بر استکراه ، بی فائده و بی معنی بر « قوزموپولیتیزم » ، یاخوده ، بر اثر ارتجاع اولق اوزره - غریبدر . شیمه ملیت ایله ناقابل تألیف بر « ناسیونالیزم » ، الی آخره ، بو کیمسه لری تسجته (قاراقته ریزه) ایدر .

کیدنلر ، بر پره نسیپک نتیجه تعقیبی اوله رق اعزام ایدله مش . بر باشی بوزوق اردوسی . بر طاقنه ۶۰۶ تداویمی تطبیق ایدلش ؛ مکر زوالیلر علل افرنجیه ایله معتدل دکلمر مش . استادلر درد و مرض ، بلا و مصیبت اولق اوزره ، غربک علل کونا کونی کوسترمشلر . مومی الیهلرده ، بر غلط غلیظ رؤیت اولق اوزره ، بو علتلری کند مزدهده کورمشلر . آلکیز بر تشخیص خطاسی و بونک اوزرینه مستند بر یا کلش تدای !

ثانیاً — بونلردن وطن و ملت - کاهی حقها - مستفید اوله مامشدر . واقعا خصوصیات شتاده ، مواد آلیه ده کیدنلردن استفاده ایدله دی دیمک بر خطای فاحش و غرضکارانه در . لکن خصوصیات عامه ده ، مواد عمومی ده بونلرک تنوری مملکت ایچون بادی نعمت اولدیمی ؟ خایر ! افکار دکشدی . آرا تشنت ایتدی . آمال قاریشدی . غایه لر جوغالیدی . آره آچیلیدی . روح ملی احتجاج ایتدی . ذاتاً بین الملل روح هنوز تبارز ایتدی که او ، التقاط ایدلسون .

ثالثاً — شهره تکاملده توقف و یا تدنی ایدن بشقه بر هیئت ، جبرمافاة ایتک ، ایلر یلک ایچون بویاه حرکت ایتش دکدر . اقلیم و محیطی ، عرق و زمانی بز مکیلردن - کلیتله - بشقه اولقله برابر ژاپونیا شایسته تدقیق بر مملکتدر . قومودور [پورری] نک ژاپون ساحلنه آیاق باصدینی ذقیقه دن اعتباراً مملکت ازهار ، هر سنه ، اقطار غربیه اولادینی کوندر مکده تردد ایتمه مشدر . لکن ، علی العمیا ، هر راست کلن چوجنی ، هر کسک اولادینی ، هر سویه و یا شده کی اطفالی می ؟ ژاپونلر ، کوزلری باغلی اوله رق برجاده و یا کوپری باشنده ، یا قالایه بیلدکلری کنجلیرمی لوندره و یا آمستردامه کوندر دیلر ؟ بونلردن بر قاچنه ، سیروسیاحت اثناسنده تصادف ایتدک . آره لرنده بر طوی یوق . جهله سنک زبانی چتره فیل . فقط سویه بشقه . هیچ برنده صفوتدن اثر کورولز . مستشنا حرامزاده لردن قطع نظر ، شمس شارق محصولات آدمیه سندن هیچ بری بوش بوشنه اوروپایه کیتمه مش . حالبوکه بزده ؟ بعدالتمیز عودت

ایدنلری صایق ایچون عشرات خانه سندن پک ایلری به چیقماق. بلکه زائددر. محتمل معارضله شیمیدین جواب ویرمش اولق ایچون شو سؤالی ایراد ایدیم: - اقصای شرقدن اقصای غربه کیدنلر، عودتلرنده، آلیات غربی اولدینی کبی نقل و اقتباسه موفق اولدیلر. اوروپا پک آلیاتی مملکت ازهارده استیطان ایدی. بزمکیلر بوکا مقتدر اوله بیلدیلر می؟

آینه سی ایشدر کشینک لافه باقلماز

شخصک کورینور رتبه عقلی اثرنده

لکن، معارضین محتمله بزه دیه جکارکه، بزم عدم تکاملمزک عید و عنید اسبابی وار. اوروپایه کیدن برقاچ ارباب نحافت عودتلرنده ابراز کرامت ایده منلردی. بوش لقردی. ژاپونیا ده قاپیتولاسیونلره پابند ایدی. اوراسی ده تهدید اجانب و تخویف اغیاره شدله و فعلاً معروضدی. لکن، یالکنز آلیاتی آلمه ده ابراز اقتدار ایدن بو آخر زمان یا جوج و مأجوجلری یتش سنه ده هر شیئه قدر تیاب اولدیلر. روح ملی، مقصد، غایه، امل، خط حرکت، پروغرام، مسلك و مشوار، مشرب و شعار، اولدن مقرر دی. بونلر، برروح ایدیمک ایچون اوروپایه کیتمدیلر. دی و پر روح اولدقلری سالده واپوره بیدیلر. کیدنلر رشید ایدی و آنجق تکمل ایچون کیدیورلردی. حالبوکه بزمکیلر غیر رشید اوله رق کیدیورلردی و اکثریتک غایه سی تکمل ذکل، ابتداء ایدی. اولدن، پک اولدن ده، صکره ده اوروپایه بر پروغرام تحتنده چوجق کوندوله دی. کیدنلر باشی بوزوق ایدی. بر غایه متحده جمله سنی جمع ایتیموردی.

خلاصه مقال: بز، اعتراف ایدم - بوتجربه ده موفق اوله مدق. مقصد منی توضیحاً شونی ده سوبله من لازمدرکه بز - اوروپایه طلبه کوندومه یلم فکرینه قانع دکاز. اصلاً، غربک سرمایه آلیاتندن مستفیض اولق بر ضروریه حیاتیه در؛ بر احتیاجدر. لکن اوروپایه بویه و بویولدن کیدلز. بورادن ازمیته، چتالجه به کیتمک ایچون حاضر اقدده بولونیور. سلمه السلام سیاحت ایدلز. غایه سنر اخذ و اعطا اولماز. سرمایه سنر تجارت عیدم الامکاندر. دومنسنر سفینه یورویه منر. تخمین زرعیات اولماز. اوت، اوروپایه طلبه کوندومه. بونک بزده بر طرفدار مفرطی بز. لکن نصل و هانکی طلبه یی کوندومه؟ بودر اشته مسئله...

شوگا، جانبدار مطالعانز اولان ذوات قناعت حاصل ایتسونلر که شهره تکاملمزده سه نده له منرک، بو حالت فوضانک اسباب لدیه سندن برمی ده، الحق، چاپراشیق یولدن اوروپایه طلبه کوندومه مندر. یولجیلر من اوزون مدت طولاشدقلری حالده، اوروپایی کشف ایده مه منلردر. آنلرک هدف عزیمتلری اولان عرفان اوروپاسنه کیدنلرک، وارا بیلنلرک عددی پک آزدر.

راویان اخبار نقل ایدیلر که بر تاریخده بر واپور منر، عجمی قیودانلرک ألدده، صفحه دریاده برخیلی ایام طولامشدقندن صکره کیده جکی یری بوله مامش، و، عاقبت مرهسای ارتباطنه دوغمه به مجبور اولمش. عودتنده ایچون مالطه به کیتمدکلری مرتباتندن صورولمش؛ بونلر، جواباً: — مالطه یوق! جواب ساده سیله مقابله ایشلر. بو پک معنیدار بر اعتراف عجذر؛ آکلارز. لکن، اوروپاده بندر عرفانه کیتمک ایسته ینلر اورایه واره مدقلرینی اعتراف ایده میورلر و دون، طولاش عودتلرنده، — مالطه یوق! دیمک جسارتنده بیله بولونه میورلر و مخیل و مفروض بر مالطه ده اکتساب ایتدکلری جهالتی بوراده تطبیقه جرأتیاب اولیورلر.

شو سیاستک تصحیحی زمانی حلول ایتمشدر. یکی کوی ۱۷ کانون اول ۱۹۱۷

مهول نوری